



MØTEPROTOKOLL

Utval: Formannskapet
Møtedato 23.05.2019
Møtetid: Kl. 15:20 - 20:05
Møtestad: Biblioteket på Bjørkheim

Av 9 medlemmer møtte 9, inkludert varamedlemmer.

Medlemmer møtte:	Parti:
Nils Aadland	A
Knut Harald Frøland	BL
Lena Tveit	BL
Odd Arne Haga	FRP
Arild Røen	H
Inge Aasgaard	KRF
Monica Tjønnå	SP
Øyvind Røen	SP

Desse medlemmene møtte ikkje:	Parti:	I staden møtte:	Parti:
Olaug Karin Øystese	A	Harald Boge	A

Møtenotater:

Andre som var til stades i møtet:

- Charlotte Hageberg, rådmann
- Jan Erik Boge, rådgjevar
- Nina Erdal, økonomisjef (sak 009, 011 og 012)
- Marianne Soleng, avdelingsleiar sørvissenteret (sak 017)
- Nils Jonny Skar, einingsleiar teknisk drift (sak 019)
- Britt Haukanes, kyrkjevevjerje (sak 022)

Dokument som vart delt ut i møtet:

- Uttale frå kontrollutvalet til årsrekneskap 2018 for Samnanger kommune

Møteleiar:	Knut Harald Frøland
Møtesekretær:	Jan Erik Boge

Underskrift frå utvalsleiar og møtesekretær:

Tysse, 24.05.2019

Knut Harald Frøland
ordførar

Jan Erik Boge
rådgjevar

Desse sakene vart handsama:

Sakliste

Sak nr.	Arkivsak	Sakstittel	Merknad
008/2019	19/471	Faste saker	
009/2019	19/323	Godkjenning av kommunerekneskapen 2018	
010/2019	19/417	Årsmelding Samnanger kommune 2018	
011/2019	19/418	Finansrapportering 1.tertial 2019	
012/2019	19/418	Økonomirapportering pr 1.tertial 2019	
013/2019	19/418	Investeringsprosjekt 2019 Samnanger kyrkjestyre	
014/2019	18/578	Utviding av IKT Nordhordland kommunalt oppgåvefelleskap	
015/2019	18/951	Søknad om tilskot til oppstart - Samnanger catering	
016/2019	18/784	Kulturprisen 2019	
017/2019	19/237	Sals- og skjenkeløyve - Osteriet i Samnanger	
018/2019	19/456	Klimapartner - medlemskap	
019/2019	19/455	Eigedomsforvaltning - framtidig vedlikehaldsbehov og prioriteringar	
020/2019	19/427	Organisering av administrasjonen - forslag om omgjering av sektorleiarstillingar	
021/2019	19/377	Spørsmål om utkjøp av kommunal iPad for folkevalde etter valperioden 2015 - 2019	
022/2019	18/787	Premiss budsjett og økonomiplan 2020-2023	

SAKNR. 008/2019: Faste saker

23.05.2019 Formannskapet:

Handsaming i møtet:

Godkjenning av møteinnkalling og sakliste:

Ordførar Knut Harald Frøland foreslo at handsaminga av sak 013/2019 vart flytta, og at denne saka vart handsama rett før sak 022/2019. Formannskapet slutta seg til dette forslaget.

Det var elles ingen merknader til møteinnkallinga eller saklista.

Eventuelle merknader til protokoll frå førre møte:

Ingen merknader.

Orienteringssaker:

Presentasjon kommunedelplan Tokagjelet

Ordførar Knut Harald Frøland (Bl) orienterte om at det vert møte 28.05.2019 kl.14.00 - 16.00 ved Furedalen alpin.

Offentleg badestrand Teigavika

Ordførar Knut Harald Frøland (Bl) orienterte om framdrifta for arbeidet. Tilrettelegginga av Teigavika vert truleg ikkje ferdig til sommaren 2019.

Kvalitetsdialog vegmodell, vidare prosess

Ordførar Knut Harald Frøland (Bl) orienterte om arbeidet i vegnemnda. Han viste også til e-post frå Frp med forslag til løysing/vedtak. Odd Arne Haga (Frp) forklarte at Frp ønskjer å få forslaget opp til handsaming i kommunestyret. Som følgje av at sak om kommunale vegar ikkje står på saklista til kommunestyremøtet 03.06.2019, må Frp senda forslaget inn som interpellasjon dersom dei ønskjer å få det handsama i kommunestyret.

Ingeniørhytta

Ordførar Knut Harald Frøland (Bl) orienterte om møte om ingeniørhytta 21.05.2019, og om arbeidet for å få sett hytta i stand og bestemta kva den skal brukast til i framtida.

Status Skottabakken

Rådmann Charlotte Hageberg orienterte. Framdrifta for arbeidet er litt bak opprinneleg plan, og overleveringsdato er no planlagt til 06.03.2020. Samla sett (inkludert løyvde midlar til flaumsikring) ser det ut til den løyvde budsjetttramma vil vera tilstrekkeleg.

Lovbrot relatert til barnevernstenesta

Rådmann Charlotte Hageberg orienterte. Forholda som fylkesmannen har påpeika, gjeld oppfølging av barn som bur i fosterheim. Svar vart sendt til fylkesmannen 20.05.2019.

Avvikshandtering

Rådmann Charlotte Hageberg orienterte om at kommunen sitt elektroniske avvikssystem har vore mellombels ute av drift etter flyttinga av kommunen si IKT-drift til IKT Nordhordland.

Avviksrapportering har derfor måtte gjerast på papir dei siste par månadane. Det elektroniske avvikssystemet kjem truleg i drift igjen i løpet av juni. Rådmannen orienterte også kort om innkomne avvik, og peika i samband med dette på at det er stor underreportering av avvik i kommunen.

Sjuefråvær

Rådmann Charlotte Hageberg presenterte sjuefråværsstatistikk for 1. kvartal 2019. Det er ein liten

auke i det samla sjukefråværet i forhold til 1. kvartal 2018. Rådmannen uttrykte bekymring over at korttidsfråværet har auka i nokre einingar (barnehage, sjukeheim og helse).

Kontrakt gransking barnevern

Rådmann Charlotte Hageberg orienterte om at det er inngått kontrakt med Barneadvokatene, og at det vert oppstartmøte med dei måndag 27.05.2019.

VA-reguleringsplan Eikedalen

Ordførar Knut Harald Frøland (Bl) orienterte.

Stevning vassleidning Krekavegen, stevning leige av bu Rolvsvåg industrihavn, rettssak Nyutløtræ

Ordførar Knut Harald Frøland (Bl) orienterte kort om desse tre pågåande sakene.

Utvalet sitt kvarter:

Stad/lokale for møte i formannskapet

Odd Arne Haga (Frp) sa at det har kome reaksjonar på at formannskapsmøtet ikkje vert halde på kommunehuset. Monica Tjønaa (Sp) og Arild Røen (H) peika på at krav om universell utforming tilseier at formannskapsmøta bør haldast på biblioteket på Bjørkheim.

Tannlegeteneste på Tysse

Odd Arne Haga (Frp) orienterte om at han har teke opp spørsmål om privat tannlegekontor på Tysse i Frp, og der fått opplyst at det er moglegheit for at ein privatpraktiserande tannlege i Samnanger vil kunne få fylkeskommunal støtte. På bakgrunn av informasjonen kommunen tidlegare har fått frå fylkestannlegen, meinte fleire av representantane i formannskapet opp at desse opplysningane ikkje kan vera korrekte. Rådmann Charlotte Hageberg orienterte om at det ser ut til at det kan vera moglegheit for å få etablert eit privat tannlegekontor på Tysse to dagar pr. veke. Ho orienterte også om at det offentlege tannlegekontoret på Tysse vert lagt ned i sommar.

Opningstider telefonsentralen på kommunehuset

Arild Røen (H) orienterte om at han har fått reaksjonar på at opningstidene på telefonsentralen på kommunehuset har vorte redusert. Rådmann Charlotte Hageberg orienterte om at bakgrunnen for dei reduserte opningstidene er svært høgt arbeidspress ved sørvissenteret.

Informasjon til folkevalde

Arild Røen (H) viste til at han tidlegare har teke opp at han saknar meir informasjon til folkevalde om kva som "rører seg" i kommunen, mellom anna informasjon frå ordføraren utanom dei politiske møta. Formannskapet hadde så ein diskusjon om informasjon/informasjonsflyt.

Samrøystes vedtak.

FORM- 008/2019 Vedtak:

Møteinnkallinga og saklista vert godkjent.

Delegerte vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

SAKNR. 009/2019: Godkjenning av kommunerekneskapen 2018

23.05.2019 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 009/2019 Vedtak:

Rekneskapen for 2018 vert godkjent slik han ligg føre. Mindreforbruk (overskot) for 2018 på kr 1 260 328,45 vert sett av til disposisjonsfondet.

Rådmannen sitt framlegg til vedtak:

Rekneskapen for 2018 vert godkjent slik han ligg føre. Mindreforbruk (overskot) for 2018 på kr 1 260 328,45 vert sett av til disposisjonsfondet.

SAKNR. 010/2019: Årsmelding Samnanger kommune 2018

23.05.2019 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 010/2019 Vedtak:

Årsmelding for Samnanger kommune for 2018 vert teken til orientering.

SAKNR. 011/2019: Finansrapportering 1.tertial 2019

23.05.2019 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 011/2019 Vedtak:

Finansrapportering for 1.tertial 2019 vert tatt til etterretning. Kommunen slår saman to lån på tilsaman 10 mill kroner i Kommunalbanken med tilnærma lik attverande avdragstid. Det nye lånet vert tatt opp avdragsfritt og avdrag vert betalt årleg i samsvar med Kommunestyret sitt vedtak om evt. minimumsavdrag.

Rådmannen sitt framlegg til vedtak:

Finansrapportering for 1.tertial 2019 vert tatt til etterretning. Kommunen slår saman to lån på tilsaman 10 mill kroner i Kommunalbanken med tilnærma lik attverande avdragstid. Det nye lånet

vert tatt opp avdragsfritt og avdrag vert betalt årleg i samsvar med Kommunestyret sitt vedtak om evt. minimumsavdrag.

SAKNR. 012/2019: Økonomirapportering pr 1.tertial 2019

23.05.2019 Formannskapet:

Handsaming i møtet:

Inge Aasgaard (Krf) bad om å få gildskaper sin vurdert, på bakgrunn av at han er fungerande einingsleiar (rektor) ved Samnanger barneskule. Han gjekk frå medan formannskapet vurderte gildskaper hans. Inge Aasgaard vart samrøystes funnen gild og deltok derfor under den vidare handsaminga av saka.

Rådmannen sitt framlegg vart samrøystes vedteke.

FORM- 012/2019 Vedtak:

Økonomirapportering pr 1.tertial vert tatt til etterretning og det vert gjennomført fylgjande budsjettjustering:

Redusert inntekt IMDI	Kr 280 000
Auke inntekt eigedomsskatt	Kr - 470 000
Utgift knytt til overgang IKTN	Kr 190 000
Investeringsprosjekt:	
Dråpeslottet barnehage	Kr 50 000
Bassengbygg ungdomsskulen	Kr 210 000
Liavegen	Kr 640 000
Utbetring veg Hagabakkane	Kr 300 000
Forventa unyttå lånemidlar 2019	Kr - 1 200 000

Det vert ikkje kravd inn gebyr for 2.halvår på slam og septiktank for dei som betaler fire gongar pr år. Prisen for dei som betaler ein gong pr år vert redusert tilsvarande. Bruk av fond vert auka tilsvarande inntektsreduksjon.

Rådmannen sitt framlegg til vedtak:

Økonomirapportering pr 1.tertial vert tatt til etterretning og det vert gjennomført fylgjande budsjettjustering:

Redusert inntekt IMDI	Kr 280 000
Auke inntekt eigedomsskatt	Kr - 470 000
Utgift knytt til overgang IKTN	Kr 190 000
Investeringsprosjekt:	
Dråpeslottet barnehage	Kr 50 000
Bassengbygg ungdomsskulen	Kr 210 000
Liavegen	Kr 640 000
Utbetring veg Hagabakkane	Kr 300 000
Forventa unyttå lånemidlar 2019	Kr - 1 200 000

Det vert ikkje kravd inn gebyr for 2.halvår på slam og septiktank for dei som betaler fire gongar pr år. Prisen for dei som betaler ein gong pr år vert redusert tilsvarande. Bruk av fond vert auka tilsvarande

SAKNR. 013/2019: Investeringsprosjekt 2019 Samnanger kyrkjestyre

23.05.2019 Formannskapet:

Handsaming i møtet:

(Denne saka vart handsama mellom sak 021/2019 og 022/2019).

Rådmannen sitt framlegg vart samrøystes vedteke.

FORM- 013/2019 Vedtak:

Det vert løyvd kr 700 000 til Samnanger kyrkjestyre til investeringsprosjekt. Prosjekta som skal prioriterast i 2019 er straumstyring i Haga kyrkje, universelt utforma toalett ved Ådland kyrkje og nytt sikringsanlegg m/ straumstyringsanlegg i Ådland kyrkje. Finansiering vert forventa unytta lånemidlar.

Rådmannen sitt framlegg til vedtak:

Det vert løyvd kr 700 000 til Samnanger kyrkjestyre til investeringsprosjekt. Prosjekta som skal prioriterast i 2019 er straumstyring i Haga kyrkje, universelt utforma toalett ved Ådland kyrkje og nytt sikringsanlegg m/ straumstyringsanlegg i Ådland kyrkje. Finansiering vert forventa unytta lånemidlar.

SAKNR. 014/2019: Utviding av IKT Nordhordland kommunalt oppgåvefellesskap

23.05.2019 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 014/2019 Vedtak:

1. Samnanger kommune vedtar å gå inn som deltakar i IKT Nordhordland kommunalt oppgåvefellesskap.
2. Samnanger kommune vedtar samarbeidsavtalen for IKT Nordhordland kommunalt oppgåvefellesskap slik den ligg føre.

Rådmannen sitt framlegg til vedtak:

1. Samnanger kommune vedtar å gå inn som deltakar i IKT Nordhordland kommunalt oppgåvefellesskap.
2. Samnanger kommune vedtar samarbeidsavtalen for IKT Nordhordland kommunalt oppgåvefellesskap slik den ligg føre.

SAKNR. 015/2019: Søknad om tilskot til oppstart - Samnanger catering

23.05.2019 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 015/2019 Vedtak:

Therese Moe får kr. 15.000 i tilskot til oppstart av Samnanger catering. Ho har fullført kurs i regi av etablerarsenteret. Tilskotet vert utbetalt når utgifter til utstyr kan dokumentarast. Tilskotet vert oppheva dersom det ikkje er utbetalt 2 år frå den dato vedtaket er gjort. Tilskotet vert finansiert av næringsfondet.

Rådmannen sitt framlegg til vedtak:

Therese Moe får kr. 15.000 i tilskot til oppstart av Samnanger catering. Ho har fullført kurs i regi av etablerarsenteret. Tilskotet vert utbetalt når utgifter til utstyr kan dokumentarast. Tilskotet vert oppheva dersom det ikkje er utbetalt 2 år frå den dato vedtaket er gjort. Tilskotet vert finansiert av næringsfondet.

SAKNR. 016/2019: Kulturprisen 2019

23.05.2019 Formannskapet:

Handsaming i møtet:

Ordførar Knut Harald Frøland (Bl) bad om å få gildskapen sin vurdert, på bakgrunn av at ein av dei føreslegne kandidatane er "filleonkelen" hans (ingifta onkel). Han gjekk frå medan formannskapet vurderte gildskapen hans. Varaordførar Øyvind Røen (Sp) overtok som ordstyrar under denne handsaminga. Knut Harald Frøland vart samrøystes funnen gild, og gjekk tilbake som ordstyrar og deltok i resten av handsaminga av saka.

Arild Røen (H), Øyvind Røen (Sp) og Monica Tjønnå (Sp) sette fram framlegg om at Einar Dalseid og Vigleik Tysseland deler kulturprisen 2019.

Lena Tveit (Bl) sette fram framlegg om at Aadland gards- og friluftsbarnhage vert tildelt kulturprisen 2019.

Inge Aasgaard (Krf) sette fram framlegg om at Samnanger Skulemusikklag vert tildelt kulturprisen 2019.

Før røystinga drøfta formannskapet om retningslinene for Samanger kommune sin kulturpris opnar for at to personar kan dela kulturprisen. Konklusjonen vart at det vil vera opp til formannskapet å avgjera korleis retningslinene skal forståast med omsyn til dette.

Ved røystinga i saka vart dei tre framlegga sett opp mot kvarandre. Resultatet vart som følgjer:

Framlegg til kven som skal få kulturprisen 2019	Tal røyster	Representantar som røysta for framlegget
Einar Dalseid og Vigleik Tysseland	6	Øyvind Røen (Sp), Monica Tjønnå (Sp), Arild Røen (H), Knut Harald Frøland (Bl), Nils Aadland (A), Odd Arne Haga (Frp)
Samnanger Skulemusikklag	2	Inge Aasgaard (Krf), Harald Boge (A)
Aadland gards- og friluftsbarnhage	1	Lena Tveit (Bl)

FORM- 016/2019 Vedtak:

Einar Dalseid og Vigleik Tysseland deler kulturprisen 2019.

Rådmannen sitt framlegg til vedtak:

Rådmann har ikkje framlegg til vedtak i saka.

SAKNR. 017/2019: Sals- og skjenkeløyve - Osteriet i Samnanger**23.05.2019 Formannskapet:**

Handsaming i møtet:

Rådmannen sitt framlegg vart vedteke med 7 mot 2 røyster.

For	Imot
Knut Harald Frøland (Bl)	Øyvind Røen (Sp)
Lena Tveit (Bl)	Inge Aasgaard (Krf)
Nils Aadland (A)	
Harald Bøge (A)	
Arild Røen (H)	
Odd Arne Haga (Frp)	
Monica Tjønnå (Sp)	

FORM- 017/2019 Vedtak:

Osteriet i Samnanger (org.nr 990 701 202) v/ Bente Getz får med dette med heimel i Alkoholloven §1-6 løyve til sal av alkoholhaldig drykk til og med gruppa 1 (jf. Alkoholforskriften §1-1) i eige butikklokale på garden (Tveit 31, 5650 Tysse) i Samnanger kommune.

Løyvet gjeld til 30.september 2020.

Osteriet i Samnanger (org.nr: 990 701 202) v/ Bente Getz får med heimel i Alkoholloven § 1-6 løyve til skjenking av alkoholhaldig drykk (gruppe 1 og 2 jf. Alkoholforskriften §1-1) på terrassen på garden i Tveit 31, 5650 Tysse.

Løyvet gjeld skjenking av alkoholhaldig drykk (gr. 1 og 2).

Skjenketid: kl. 12:00 – kl. 24:00.

Løyvet gjeld til 30.september 2020.

Rådmannen sitt framlegg til vedtak:

Osteriet i Samnanger (org.nr 990 701 202) v/ Bente Getz får med dette med heimel i Alkoholloven §1-6 løyve til sal av alkoholhaldig drykk til og med gruppa 1 (jf. Alkoholforskriften §1-1) i eige butikklokale på garden (Tveit 31, 5650 Tysse) i Samnanger kommune.

Løyvet gjeld til 30.september 2020.

Osteriet i Samnanger (org.nr: 990 701 202) v/ Bente Getz får med heimel i Alkoholloven § 1-6 løyve til skjenking av alkoholhaldig drykk (gruppe 1 og 2 jf. Alkoholforskriften §1-1) på terrassen på garden i Tveit 31, 5650 Tysse.

Løyvet gjeld skjenking av alkoholhaldig drykk (gr. 1 og 2).

Skjenketid: kl. 12:00 – kl. 24:00.

Løyvet gjeld til 30.september 2020.

SAKNR. 018/2019: Klimapartner - medlemskap

23.05.2019 Formannskapet:

Handsaming i møtet:

Rådmannen sitt framlegg vart vedteke med 8 mot 1 røyst.

For	Imot
Knut Harald Frøland (Bl)	Odd Arne Haga (Frp)
Lena Tveit (Bl)	
Nils Aadland (A)	
Harald Bøge (A)	
Arild Røen (H)	
Øyvind Røen (Sp)	
Monica Tjønnå (Sp)	
Inge Aasgaard (Krf)	

FORM- 018/2019 Vedtak:

Samnanger kommune vert medlem av Klimapartner. Medlemkontingenten for hausten 2019 utgjer kr.25.000. Årleg kontingent er på inntil kr. 50.000. Utgifta vert dekkja frå berekraftutviklingsfond. Tiltak i samband med klimaarbeidet vert lagt inn i budsjettarbeidet for 2020.

Rådmannen sitt framlegg til vedtak:

Samnanger kommune vert medlem av Klimapartner. Medlemkontingenten for hausten 2019 utgjer kr.25.000. Årleg kontingent er på inntil kr. 50.000. Utgifta vert dekkja frå berekraftutviklingsfond. Tiltak i samband med klimaarbeidet vert lagt inn i budsjettarbeidet for 2020.

SAKNR. 019/2019: Egedomsforvaltning - framtidig vedlikehaldsbehov og prioriteringar

23.05.2019 Formannskapet:

Handsaming i møtet:

Innleiingsvis orienterte einingsleiar teknisk drift Nils Jonny Skar kort om rapporten som er utarbeidd. Han svara også på spørsmål frå formannskapet under debatten.

Rådmann Charlotte Hageberg orienterte om at det står eit feil årstal i rådmannen sitt framlegg til vedtak (2020-24), og at rett årstal skal vera 2020-23.

Under debatten orienterte rådmann Charlotte Hageberg om at det også vil verta sett på alternativ til bygging av nytt kommunehus.

Rådmannen sitt framlegg vart vedteke med 7 mot 2 røyster.

For	Imot
Knut Harald Frøland (Bl)	Odd Arne Haga (Frp)
Lena Tveit (Bl)	Monica Tjønnå (Sp)
Nils Aadland (A)	
Harald Boge (A)	
Arild Røen (H)	
Øyvind Røen (Sp)	
Inge Aasgaard (Krf)	

FORM- 019/2019 Vedtak:

Statusrapport for eigedomsforvaltninga i Samnanger kommune sitt framtidige vedlikehaldsbehov vert teken til orientering.

I det vidare arbeidet får rådmannen mandat til å utarbeide følgjande grunnlag til budsjett/økonomiplan 2020-23:

- utarbeide romprogram for nytt kommunehus og vurdere dette i samband med tettstadutvikling av Bjørkheim.
- utarbeide romprogram for 1-10 skule og felles barnehage. Dette skal vera grunnlaget for framtidig skule og barnehage struktur.
- kartlegge og utarbeid behovet for omsorgsbustader, særskilt eldre og psykiatriklientar, og behovet for sjukeheimsplassar i 95-bygget.
- kartlegge romprogram for helsetunet der tenester som går under helse vert samla.
- starte planlegging for utviding av kyrkjegarden
- auke ramma til vedlikehaldsbudsjettet med 1 million kroner.

Rådmannen sitt framlegg til vedtak:

Statusrapport for eigedomsforvaltninga i Samnanger kommune sitt framtidige vedlikehaldsbehov vert teken til orientering.

I det vidare arbeidet får rådmannen mandat til å utarbeide følgjande grunnlag til budsjett/økonomiplan 2020-24:

- utarbeide romprogram for nytt kommunehus og vurdere dette i samband med tettstadutvikling av Bjørkheim.
- utarbeide romprogram for 1-10 skule og felles barnehage. Dette skal vera grunnlaget for framtidig skule og barnehage struktur.
- kartlegge og utarbeid behovet for omsorgsbustader, særskilt eldre og psykiatriklientar, og behovet for sjukeheimsplassar i 95-bygget.
- kartlegge romprogram for helsetunet der tenester som går under helse vert samla.
- starte planlegging for utviding av kyrkjegarden
- auke ramma til vedlikehaldsbudsjettet med 1 million kroner.

SAKNR. 020/2019: Organisering av administrasjonen - forslag om omgjerung av sektorleiarstillingar


23.05.2019 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 020/2019 Vedtak:

Samnanger kommune vert med verknad frå 01.08.2019 organisert etter følgjande modell:




Vedtaket inneber at kommunen ikkje lenger skal ha sektorleiarstillingar.

Rådmannen har ansvar for å vurdera og bestemma kva endringar i organisering/stillingar som skal gjerast som følgje av vedtaket, jf. mynde i høve personal- og organisasjonssaker som er delegert til rådmannen i kommunen sitt delegeringsreglement.

Rådmannen sitt framlegg til vedtak:

Samnanger kommune vert med verknad frå 01.08.2019 organisert etter følgjande modell:



Vedtaket inneber at kommunen ikkje lenger skal ha sektorleiarstillingar.

Rådmannen har ansvar for å vurdera og bestemma kva endringar i organisering/stillingar som skal gjerast som følgje av vedtaket, jf. mynde i høve personal- og organisasjonssaker som er delegert til rådmannen i kommunen sitt delegeringsreglement.

SAKNR. 021/2019: Spørsmål om utkjøp av kommunal iPad for folkevalde etter valperioden 2015 - 2019

23.05.2019 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 021/2019 Vedtak:

Folkevalde i Samnanger som har kommunal iPad på utlån i dag, og som ikkje held fram som folkevalde i valperioden 2019 – 2023, får høve til å kjøpa ut iPad'en for 500 kroner når dei sluttar som folkevalde hausten 2019.

Også folkevalde som held fram i valperioden 2019 – 2023, men som ikkje vert vald som fast medlem eller 1. eller 2. varamedlem til kommunestyret eller kontrollutvalet, får høve til å kjøpa ut iPad'en for 500 kroner når den noverande valperioden er slutt i oktober 2019.

Dersom nokon folkevalde i dei to gruppene ovanfor vel å ikkje kjøpa ut iPad'en, må dei levera den tilbake til kommunen når den noverande valperioden er slutt i oktober 2019.

Rådmannen sitt framlegg til vedtak:

Folkevalde i Samnanger som har kommunal iPad på utlån i dag, og som ikkje held fram som folkevalde i valperioden 2019 – 2023, får høve til å kjøpa ut iPad'en for 500 kroner når dei sluttar som folkevalde hausten 2019.

Også folkevalde som held fram i valperioden 2019 – 2023, men som ikkje vert vald som fast medlem eller 1. eller 2. varamedlem til kommunestyret eller kontrollutvalet, får høve til å kjøpa ut iPad'en for 500 kroner når den noverande valperioden er slutt i oktober 2019.

Dersom nokon folkevalde i dei to gruppene ovanfor vel å ikkje kjøpa ut iPad'en, må dei levera den tilbake til kommunen når den noverande valperioden er slutt i oktober 2019.

SAKNR. 022/2019: Premiss budsjett og økonomiplan 2020-2023

23.05.2019 Formannskapet:

Handsaming i møtet:

Inge Aasgaard (Krf) bad om å få gildskapen sin vurdert, på bakgrunn av at han er fungerande einingsleiar (rektor) ved Samnanger barneskule. Han gjekk frå medan formannskapet vurderte gildskapen hans. Inge Aasgaard vart samrøystes funnen gild og deltok derfor under den vidare handsaminga av saka.

Innleiingsvis orienterte kyrkjevere Britt Haukanes om kyrkjestyret sitt framlegg til premissar for budsjett 2020.

Ordførar Knut Harald Frøland (Bl) orienterte om informasjon han hadde fått på e-post frå leiaren i kontrollutvalet.

Etter den innleiande debatten bad Monica Tjønnå (Sp) om gruppemøte.

Etter gruppemøtet sette Monica Tjønnå (Sp) fram følgjande endringsframlegg:

- *"Det første punktet i rådmannen sitt framlegg vert endra til: Avsetjing på 3,730 millionar. (Administrasjonen får fullmakt til å justera resultatkravet tilsvarande).*
- *Nytt punkt: 270.000 kroner vert bevilga til kyrkjestyret."*

Etter at ordføraren og rådmannen hadde orientert om at redusert avsetjing til disposisjonsfondet ikkje vil ha påverknad på resultatkravet, trekte Monica Tjønnå setninga i framlegget sitt om at administrasjonen får fullmakt til å justera resultatkravet tilsvarande.

Knut Harald Frøland bad om gruppemøte.

Etter gruppemøtet sette Knut Harald Frøland fram følgjande endringsframlegg:

- *"Det blir sett av 100.000 til vedlikehald for kyrkjestyret. Dette skal vera ein fast årleg sum som er øyremerkd til vedlikehald av bygningsmasse/eigedom.*
- *Avsetjinga til disposisjonsfondet vert redusert til 3,9 millionar kroner."*

Det vart røysta punktvis i saka.

1. Røysting om endringsframlegg/tilleggspunkt frå Monica Tjønnå.

4 medlemmer røysta for framlegget og 5 røysta imot.

For	Imot
Monica Tjønnå (Sp)	Knut Harald Frøland (Bl)
Øyvind Røen (Sp)	Lena Tveit (Bl)
Inge Aasgaard (Krf)	Arild Røen (H)
Odd Arne Haga (Frp)	Nils Aadland (A)
	Harald Boge (A)

2. Røysting om første del av framlegget frå Knut Harald Frøland - løying på 100.000 kroner til vedlikehald for kyrkjestyret.

8 medlemmer røysta for framlegget og 1 røysta imot.

For	Imot
Knut Harald Frøland (Bl)	Nils Aadland (A)
Lena Tveit (Bl)	
Arild Røen (H)	
Odd Arne Haga (Frp)	
Harald Boge (A)	
Monica Tjønnå (Sp)	
Øyvind Røen (Sp)	
Inge Aasgaard (Krf)	

3. Røysting om punkt 6 (det siste punktet) i rådmannen sitt framlegg:

- *"Rapporten om eigedomsforvaltning og bygg i Samnanger kommune bør gjennomgåast. Her må vurdering av sal av kommunale bygg takast konkret stilling til."*

Dette punktet vart samrøystes vedteke.

4. Røysting om punkt 5 (det nest siste) punktet i rådmannen sitt framlegg:

- *"Det må utgreiast ein plan for utvikling av Bjørkheimsområdet, som blant anna skal innehalda forslag til ny symjehall, lokale til kommunehus og næringsverksemd. Midlar skal hentast frå disposisjonsfondet, kr 250.000,-"*

Dette punktet vart vedteke med 7 mot 2 røyster.

For	Imot
Knut Harald Frøland (Bl)	Monica Tjønnå (Sp)
Lena Tveit (Bl)	Odd Arne Haga (Frp)
Arild Røen (H)	
Nils Aadland (A)	
Harald Boge (A)	
Øyvind Røen (Sp)	
Inge Aasgaard (Krf)	

5. Røysting om punkt 4 (det tredje siste punktet) i rådmannen sitt framlegg:

- *"Det må utgreiast ein heilheitleg plan på oppvekstsektoren, der 1-10 skule, sammanslåing av barnehagane og fleirbrukshall/idrettshall skal sjåast på under eitt. Dette vert finansiert av midlar som allereie er gitt frå fylkeskommunen, kr 500.000,-"*

Dette punktet vart vedteke med 8 mot 1 røyst.

For	Imot
Knut Harald Frøland (Bl)	Odd Arne Haga (Frp)
Lena Tveit (Bl)	
Arild Røen (H)	
Nils Aadland (A)	
Harald Boge (A)	
Øyvind Røen (Sp)	
Inge Aasgaard (Krf)	
Monica Tjønnå (Sp)	

6. Røysting om punkt 3 (det fjerde siste punktet) i rådmannen sitt framlegg:

- *"Det skal utarbeidast ein konkret plan på kva klimatiltak Samnanger kommune skal bruka pengar på i 2020. Midlar skal hentast frå klimafondet, kr 150.000,-"*

Dette punktet vart vedteke med 8 mot 1 røyst.

For	Imot
Knut Harald Frøland (Bl)	Odd Arne Haga (Frp)
Lena Tveit (Bl)	
Arild Røen (H)	
Nils Aadland (A)	
Harald Boge (A)	
Øyvind Røen (Sp)	
Inge Aasgaard (Krf)	
Monica Tjønnå (Sp)	

7. Røysting om framlegget frå Knut Harald Frøland om å redusera avsetjinga til disposisjonsfondet i 2020 til 3,9 millionar kroner.

Dette framlegget vart samrøystes vedteke.

FORM- 022/2019 Vedtak:

- Det skal i 2020-budsjettet vera ei avsetjing på 3,9 millionar kroner til disposisjonsfondet, i tillegg til eit netto resultatkrav på 1,75%.
- Det blir sett av 100.000 til vedlikehald for kyrkjestyret. Dette skal vera ein fast årleg sum som er øyremerkt til vedlikehald av bygningsmasse/eigedom.
- I budsjettarbeidet for 2020 skal ein leggja til grunn kostnadsnivå for 2019, og berre indeksjustera for auka lønskostnader. Dette gjeld også for kyrkja og kontrollutvalet/revisjonen.
- Det skal utarbeidast ein konkret plan på kva klimatiltak Samnanger kommune skal bruka pengar på i 2020. Midlar skal hentast frå klimafondet, kr 150.000,-
- Det må utgreiast ein heilheitleg plan på oppvekstsektoren, der 1-10 skule, sammanslåing av barnehagane og fleirbrukshall/idrettshall skal sjåast på under eitt. Dette vert finansiert av midlar som allereie er gitt frå fylkeskommunen, kr 500.000,-
- Det må utgreiast ein plan for utvikling av Bjørkheimsområdet, som blant anna skal innehalda forslag til ny symjehall, lokale til kommunehus og næringsverksemd. Midlar skal hentast frå disposisjonsfondet, kr 250.000,-
- Rapporten om eigedomsforvaltning og bygg i Samnanger kommune bør gjennomgåast. Her må vurdering av sal av kommunale bygg takast konkret stilling til.

Rådmannen sitt framlegg til vedtak:

- Det skal i 2020-budsjettet vera ei avsetjing på 4 millionar kroner til disposisjonsfondet, i tillegg til eit netto resultatkrav på 1,75%.
- I budsjettarbeidet for 2020 skal ein leggja til grunn kostnadsnivå for 2019, og berre indeksjustera for auka lønskostnader. Dette gjeld også for kyrkja og kontrollutvalet/revisjonen.
- Det skal utarbeidast ein konkret plan på kva klimatiltak Samnanger kommune skal bruka pengar på i 2020. Midlar skal hentast frå klimafondet, kr 150.000,-
- Det må utgreiast ein heilheitleg plan på oppvekstsektoren, der 1-10 skule, sammanslåing av barnehagane og fleirbrukshall/idrettshall skal sjåast på under eitt. Dette vert finansiert av midlar som allereie er gitt frå fylkeskommunen, kr 500.000,-
- Det må utgreiast ein plan for utvikling av Bjørkheimsområdet, som blant anna skal innehalda forslag til ny symjehall, lokale til kommunehus og næringsverksemd. Midlar skal hentast frå disposisjonsfondet, kr 250.000,-
- Rapporten om eigedomsforvaltning og bygg i Samnanger kommune bør gjennomgåast. Her må vurdering av sal av kommunale bygg takast konkret stilling til.